

TOUAZIÈM PATI

Lavi nan Kris-la

- 1691 « Rékonèt dignité-ou, krétyin, épi antan ou vîn asosié ak sa Bondié yé-
790 a, pa rétonnin nan déchéans ansyin mové konpòtman-an. Sonjé ki kalité Tèt ak ki kalité kò ou sé manb. Raplé-ou yo raché-ou sot anba pouvoua fènoua-yo pou yo transféré-ou nan limiè ak nan Rouayòm Bondié-a » (S. Léon le Grand, serm. 21, 2-3 : PL 54, 192A).
- 1692 Sinbòl lafoua-a déklaré grandè kado Bondié bay moun-nan nan travay kréasion-l nan épi pi plis toujou nan Rédanmsion ak sanktifikasyon-an. Sa lafoua-a déklaré-a, sakréman-yo fè nou fè youn ak yo (kominiké yo) : palintèmediè sakréman-yo ki fè krétyin-yo gin yon nouvo nésans, yo vîn tounin « pitit Bondié » (Jn 1, 12 ; 1 Jn 3, 1), « yo vîn tounin moun ki posédé natu Bondié-a » (« yo vîn patisipé nan sa-k fè-l sé Bondié-a ») (2 P 1, 4). Antan krétyin-yo rékonèt nouvo dignité yo nan lafoua-a, yo rélé yo pou dorénavan yo gin yon kònpòtman ki dign pou Évanjil Kris-la (Ph 1, 27). Palintèmediè sakréman-yo épi priyé-a, yo résévoua gras Kris-la épi kado Éspri-l la ki fè yo kapab viv konsa.
- 1693 Kris Jézu té toujou fè sa-k fè *Papa-a* plézi (cf. Jn 8, 29). Li té toujou viv antan-l fè youn ak li nè. Minm jan-an tou, li invité disip li-yo pou yo viv dévan fas *Papa-a* « ki ouè nan koté ki kaché-a » (cf. Mt 6, 6) pou yo kapab « kòrèk nè, tankou *Papa-a* [...] ki nan sièl-la li kòrèk nè » (Mt 5, 47).
- 1694 Krétyin-yo vîn manb kò *Kris-la* palintèmediè Batèm-nan (cf. Rm 6, 5),
1267 yo mouri aléga péché-a, min y-ap viv pou Bondié nan Kris Jézu (Rm 6, 11), konsa yo patisipé nan lavi Résisité-a (cf. Col 2, 12). Antan y-ap suiv *Kris-la* épi yo fè youn ak li (cf. Jn 15, 5), krétyin-yo ap fè éfò pou yo kapab imité Bondié tankou pitit yo rinmin anpil k-ap maché nan rinmin-an (Ep 5, 1), antan sa yo pansé, sa y-ap di ak sa y-ap fè vîn konfòm ak santiman-yo ki nan Kris Jézu (Ph 2, 5) épi antan yo suiv égzanp li-yo (cf. Jn 13, 12-16).
- 1695 Krétyin-yo « vîn kòrèk o non Granmèt nou Jézu-Kri ak nan Éspri Bondié nou-an » (1 Co 6, 11), yo sanktifié épi yo rélé yo sin (1 Co 1, 2), yo tounin « tanp *Éspri Sin-an* » (cf. 1 Co 6, 19). « Éspri Pitit » sa-a ap aprann yo priyé *Papa-a* (cf. Ga 4, 6) épi, antan-l tounin lavi yo, li fè yo aji

(cf. Ga 5, 25) pou yo kapab donnin frui Éspri-a (Ga 5, 22) ak yon lafoua ki aktif. Éspri-Sin-an, antan-l géri blésu péché-yo, li rénovlé nou sou paranndan ak transfòmasyon éspri-nou (Ep 4, 23), li kléré nou épi li fòtifié nou pou nou viv tankou « pitit limié » (Ep 5, 8) « nan tout bonté épi jistis épi vérité » (Ep 5, 9).

1696
1970 Chémin Kris-la « minnin nan lavi » (Mt 7, 14), chémin kontrè-a « minnin nan pèdision » (Mt 7, 13 ; cf. Dt 30, 15-20). Parabòl *dé chémin-yo* nan Évanjil-la toujou rété prézan nan katéchèz l'Égliz-la. Li indiké inpòtans désizyon moral-yo pou salu-nou. « Gin dé chémin, youn pou lavi épi lòt-la pou lanmò, min gin yon gran diférens ant dé chémin-yo » (Didaché 1, 1).

1697 Nan katéchèz-la sé pou yo montré byin klèman kè kontan ak égzijans chémin Kris-la (cf. CT 29). Katéchèz osijè « nouvo lavi-a » (Rm 6, 4) nan Jézu ap :

737 ss. – *yon katéchèz osijè Éspri-Sin-an*, Mèt lavi sou paranndan dapré Kris-la, bon vizitè (doux hôte) épi zanmi k-ap inspiré lavi sa-a, k-ap kondui-l, k-ap korijé-l épi k-ap fòtifié-l ;

1938 ss. – *yon katéchèz osijè lagras-la*, paské sé palintèmediè lagras-la nou sovè épi sé palintèmediè lagras-la tou sa n-ap fè kapab donnin frui pou lavi tout tan-an ;

1716 ss. – *yon katéchèz osijè béatitud-yo*, paské chémin Kris-la rézimé nan béatitud-yo, sèl rout pou kontantman tout tan-an, sa kè moun-nan anvi jouinn-nan ;

184 ss. – *yon katéchèz osijè péché-a ak padon-an*, paské si moun-nan pa rékonèt li sé péchè, li pa kapab konnin vérité-a osijè pròp tèt-li, é sa sé kondision pou li kapab aji yon fason kòrèk, épitou, si yo pa-t ofri-l padon-an, li pa t-ap kapab sipòté vérité sa-a ;

1803 ss. – *yon katéchèz osijè vèrtu moun-nan*, k-ap fè konprann bèlté ak atirans dispozision ki kòrèk pou byin-an ;

1812 ss. – *yon katéchèz osijè vèrtu krétièn-yo*, lafoua-a, éspérans-la ak charité-a ki pran inspirasyon sou gran bèl égzanp sin-yo ;

2067 – *yon katéchèz osijè dé kòmandman charité-a* ki déplouayé nan Dékalòg-la ;

946 ss. – *yon katéchèz éklézial*, paské lavi krétyin-an kapab rivé élaji épi kominiké sèlman nan pakèt échanj « byin spirituèl-yo » nan « kominion sin-yo » (« tout byin zanmi Bondié-yo fè, sèvi lòt-yo »).

1698
426 Prémie ak denié référans katéchèz sa-a ap toujou Jézu-Kri li minm ki « chémin-an, vérité-a ak lavi-a » (Jn 14, 6). Sé antan fidèl Kris-la ap gadé-l nan lafoua, y-ap kapab éspéré sé li-minm k-ap réalizé promès li-yo nan yo, épitou antan yo rinmin-l minm jan li-minm li té rinmin yo-a, y-ap rivé fè sa-k korèsponn ak dignité yo-a :

« M-ap mandé-ou pou konsidéré [...] Granmèt-nou Jézu-Kri sé véritab Tèt-ou, épi ou sé youn nan manb li-yo. [...] Pou ou l-ap tankou jan tèt-la yé pou manb-yo ; tout sa ki pou li, sé pou ou : éspri-l, kè-l, kò-l, nanm-li ak tout

fakilté-l yo [...], épi ou doué anplouayé tou sa tankou sé pròp afè pa-ou pou-ou sèvi Bondié, fè louanj Bondié, rinmin-l épi glorifié-l. Ou-minm minm ou tankou manb tèt-la, sé poutèt sa li souété ak tout fòs pou-l anplouayé tout fakilté-ou yo, tankou sé pou li yo yé, pou-l sèvi Papa-l épi glorifié-l » (S. Jean Eudes, *Le cœur admirable de la Très Sacrée Mère de Dieu*, 1, 5 : *Oeuvres complètes* v. 6 [Paris 1908] p. 113-114).

« Pou mouin [...] viv sé Kris-la » (Ph 1, 21).

[◀Atik
anvan-an](#)

[Gid jénéral-la](#)

[Atik▶
apré-a](#)